



20 FEB, 2025

PGA, TNB rampas mesin lombong bitcoin

Kosmo, Malaysia



PGA, TNB rampas mesin lombong bitcoin


SUNGAI PETANI – Pasukan Gerakan Am (PGA) bersama Tenaga Nasional Berhad (TNB) merampas 111 unit mesin perlombongan bitcoin serta sejumlah barangan lain dianggarkan bernilai RM890,950 di empat premis di sini pada Isnin lalu.

Komander Briged Utara PGA Ulu Kinta, Perak, Senior Asisten Komisioner Shahrum Hashim berkata, Cawangan Risik Batalion 2 PGA dan Pasukan Special Engagement Against Losses TNB Zon Utara melakukan operasi penguatkuasaan itu selama lima jam bermula pukul 5 petang.

Katanya, empat premis itu yang dipercayai menjalankan aktiviti melombong bitcoin disyaki melakukan penyambungan bekalan elektrik secara haram.

“Kita merampas peralatan yang disyaki digunakan untuk tujuan itu di empat lokasi berasingan iaitu 111 unit mesin perlombongan bitcoin, lima unit router, dua unit modem dan seunit komputer riba dengan nilai rampasan kira-kira RM890,950,” katanya.

Kes disiasat mengikut Seksyen 427 Kanun Keseksaan dan Seksyen 37 (3) Akta Bekalan Elektrik 1990.



SEBAHAGIAN mesin perlombongan bitcoin yang dirampas daripada empat premis di Sungai Petani Isnin lalu.